

Broj: UP1-06-13-1-54-7/22
Mostar, 30.01.2023. godine

Na osnovu člana 21., člana 37., člana 42., člana 84. i člana 87. stav (1) i stav (2) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13, 94/15, 54/19, 1/22 i 61/22), člana 20. stav (2) Zakona o korištenju obnovljivih izvora energije i efikasne kogeneracije („Službene novine Federacije BiH“ broj 70/13 i 5/14), člana 200. Zakona o upravnom postupku („Službene novine Federacije BiH“ broj 2/98, 48/99 i 61/22), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14, 31/16 i 84/19), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 19. stav (1) i stav (3) Pravilnika za izdavanje dozvola („Službene novine Federacije BiH, broj 2/17, 39/20, 82/21 i 1/23) i člana 16. stav (1) tačka a) i stav (2) Pravilnika o sticanju statusa kvalifikovanog proizvođača električne energije („Službene novine Federacije BiH“ broj 53/14), postupajući po Zahtjevu za obnovu dozvole za rad za proizvodnju električne energije broj UP1-06-13-1-54-1/22 od 14.03.2022. godine, podnosioca zahtjeva „MiniWat“ d.o.o. Travnik, Han Bila b.b., Travnik, zastupan po zakonskom zastupniku Zijadu Selmanu, Regulatorna komisija za energiju u Federaciji Bosne i Hercegovine – FERK je 30.01.2023. godine na II redovnoj sjednici donijela sljedeće

RJEŠENJE

1. Odbija se Zahtjev za obnovu dozvole za rad za proizvodnju električne energije broj UP1-06-13-1-54-1/22 od 14.03.2022. godine podnosioca „MiniWat“ d.o.o. Travnik.
2. Odbija se Zahtjev za sticanje statusa kvalifikovanog proizvođača podnosioca „MiniWat“ d.o.o. Travnik, koji je sastavni dio zahtjeva iz tačke 1. ovog rješenja.
3. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

O b r a z l o ž e n j e

Dana 14.03.2022. godine FERK je pod brojem UP1-06-13-1-54-1/22 primio Zahtjev za obnovu dozvole za rad za proizvodnju električne energije podnosioca zahtjeva „MiniWat“ d.o.o. Travnik.

Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da podneseni zahtjev nije potpun u smislu člana 12. Pravilnika za izdavanje dozvola. Zbog navedenog, FERK je

postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi uputio podnosiocu zahtjeva Obavještenje o nedostacima podnesenog Zahtjeva za obnovu dozvole za rad za proizvodnju električne energije broj UP1-06-13-1-54-2/22 od 08.04.2022. godine, te ga istovremeno uputio na odredbe člana 9. stav (3) i stav (6), člana 12. stav (1), člana 20. i člana 21. Pravilnika za izdavanje dozvola, te člana 9. stav (1) i stav (4) Pravilnika o sticanju statusa kvalifikovanog proizvođača električne energije. Naime, članom 9. stav (3) Pravilnika za izdavanje dozvola propisano je da popunjen obrazac zahtjeva za izdavanje dozvole za rad, odnosno obrazac zahtjeva za izdavanje prethodne saglasnosti sa potpunom pratećom dokumentacijom treba biti ovjeren i potpisan od podnosioca, odnosno njegovog zakonskog zastupnika ili ovlaštenog opunomoćenika, dok je stavom (6) istog člana propisano da se prateća dokumentacija prilaže u originalu ili ovjerenjnoj kopiji, s tim da ne smije biti starija od 60 dana. Članom 12. stav (1) Pravilnika za izdavanje dozvola propisano je da je zahtjev potpun kada su uz zahtjev podneseni svi traženi dokumenti i uplaćena jednokratna naknada za obradu zahtjeva, dok su članom 20. navedenog pravilnika taksativno navedeni potrebni dokumenti koji se obavezno prilažu uz zahtjeve za izdavanje dozvola za obavljanje elektroprivrednih djelatnosti, a članom 21. istog pravilnika propisani i dodatni dokumenti koji se obavezno prilažu uz zahtjev za izdavanje dozvole za rad proizvodnju električne energije. Članom 9. stav (1) Pravilnika o sticanju statusa kvalifikovanog proizvođača električne energije propisano je da se postupak sticanja statusa kvalifikovanog proizvođača električne energije pokreće na zahtjev podnosioca, dok je stavom (4) istog člana propisano da je uz zahtjev za sticanje statusa kvalifikovanog proizvođača, podnesen u skladu sa tim članom pravilnika, potrebno priložiti dokumentaciju kojom se dokazuje da su ispunjeni uslovi iz člana 6. i člana 8. tog pravilnika. FERK je podnosiocu zahtjeva odredio rok od osam dana radi otklanjanja uočenih nedostataka navedenih u obavještenju, te je upozoren da će, u slučaju da ne otkloni nedostatke u datom roku, FERK smatrati da zahtjev nije ni podnesen.

Postupajući po obavještenju, podnosilac zahtjeva je dostavio dopis primljen u FERK 28.04.2022. godine pod brojem UP1-06-13-1-54-3/22, uz koji je dostavio dio tražene dokumentacije.

FERK je u cilju upotpunjavanja zahtjeva 15.07.2022. godine pod brojem UP1-06-13-1-54-4/22 podnosiocu uputio Zahtjev za informacijama. Navedenim zahtjevom podnosilac je upućen da je potrebno zahtjev dopuniti sa dokazima propisanim članovima 20. i 21. Pravilnika za izdavanje dozvola i to kako slijedi: dokaz da podnosilac zahtjeva ima pravni osnov za korištenje objekata, postrojenja, uređaja i opreme za obavljanje elektroprivredne djelatnosti za koju podnosi zahtjev iz člana 20. tačka e); godišnji planovi poslovanja podnosioca zahtjeva iz člana 20. tačka i); tabelarni pregled elektroenergetskih objekata, postrojenja, kojima

e se obavljati licencirana djelatnost sa tehni

ko-energetskim parametrima elektroenergetskih postrojenja i objekata (Prilog 2 ovog pravilnika) iz člana 21. stav (1) tačka a). Ovim zahtjevom podnosiocu je u skladu sa članom 13. Pravilnika o javnim raspravama i rješavanju zahtjeva, sporova i žalbi ostavljen rok od osam dana od primanja navedenog zahtjeva za informacijama u FERK da dostavi traženu dokumentaciju i obrazloženja.

Povodom navedenog Zahtjeva za informacijama podnosilac zahtjeva je dostavio dopis primljen u FERK 21.07.2022. godine pod brojem UP1-06-13-1-54-5/22 i dospis primljen u FERK 02.09.2022. godine pod brojem UP1-06-13-1-54-6/22, uz koje je dostavio dio tražene dokumentacije u FERK.

Podnosilac zahtjeva nije u određenom roku dostavio dokaz u skladu sa Pravilnikom za izdavanje dozvola i to: dokaz da podnosilac zahtjeva ima pravni osnov za korištenje objekata,

postrojenja, uređaja i opreme za obavljanje elektroprivredne djelatnosti za koju podnosi zahtjev iz člana 20. tačka e);

Obzirom na navedeno, a kako podnosilac Zahtjeva za obnovu dozvole za rad za proizvodnju električne energije broj UP1-06-13-1-54-1/22 od 14.03.2022. godine nije dokazao ispunjavanje kriterija propisanih članom 25. Pravilnika za izdavanje dozvola, FERK je ocijenio da je potrebno u skladu sa članom 200. Zakona o upravnom postupku, odnosno članom 19. stav (1) Pravilnika za izdavanje dozvola, odbiti Zahtjev za obnovu dozvole za rad za proizvodnju električne energije broj UP1-06-13-1-54-1/22 od 14.03.2022. godine podnosioca zahtjeva „MiniWat“ d.o.o. Travnik. Kako je sastavni dio tog zahtjeva i Zahtjev za sticanje statusa kvalifikovanog proizvođača, slijedeći isto potrebno je odbiti i taj zahtjev u skladu sa članom 16. stav (1) tačka a) Pravilnika o sticanju statusa kvalifikovanog proizvođača električne energije, budući da status kvalifikovanog proizvođača može steći samo proizvođač električne energije, dakle elektroenergetski subjekt koji je dobio dozvolu za rad u proizvodnom objektu za koji se traži navedeni status.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana primanja rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

v.d. PREDSEDNIKA FERK-a
Mile Srdanović, s.r.